

Early European Books, Copyright © 2011 ProQuest LLC.
Images reproduced by courtesy of The Wellcome Trust, London.
955/A



Early European Books, Copyright © 2011 ProQuest LLC.
Images reproduced by courtesy of The Wellcome Trust, London.
955/A



Early European Books, Copyright © 2011 ProQuest LLC.
Images reproduced by courtesy of The Wellcome Trust, London.
955/A



Early European Books, Copyright © 2011 ProQuest LLC.
Images reproduced by courtesy of The Wellcome Trust, London.
955/A

955~ / A

G. v. Bon

71210


Medical

p2

DECem PROBLEMATA
DE PESTE.

PER VICTOREM DE BONA
GENTIBVS MEDICVM.

CVM PRIVILEGIO.



V E N E T I I S ,
Ex Officina Erasmiiana, Vincentij Valgrisi.
M D L V I .

I N D E X.

- 1 An febris aliqua pestilens sit Hæctica?
- 2 Quæ sit evidens causa pestis primi ordinis.
- 3 Quid intersit inter febrem pestilentem, & ipsam uere pestem.
- 4 An uenientes à locis infectis cum ipsi sani sint, possint alios inficere; & quæ res facilius inquinentur, atque absoluantur.
- 5 Quibus notis agnosceantur mortui peste.
- 6 An melius sit extrinseca signa in uiuentibus apparere cito, uel tarde.
- 7 An maligna febris, aut pestis futura, aut statim inchoans agnosci possit.
- 8 Quis sit primus scopus curatricis atque præcautricis in peste. & qui deinceps subsequantur.
- 9 An peregrina auxilia præstent nostratibus.
- 10 Quo anni tempore aptius inuadit grassaturq; pestis.
Insunt & alia scitu digna, quæ unusquisque sibi notare poterit.

2
CLARISSIMO SENATORI
& Equiti Marino de Caballis,

Victor Bonagens Medicus. S. D.

Cui dono has meas paucarum noctium vigilias?
Marine tibi, nanq; tu solebas
Meas esse aliquid putare nugas.



ICE AT mihi pro tua in
omnes humanitate, proq; sin-
gulari in me iam inde ab adole-
scentia beneuolentia, tecum gra-
uissimo viro etiam in re seria li-
berius iocari, liceat quoque tibi hoc opusculum nun-
cupare; In quo tum ex recentiorum, tum veterum
medicorum libris, de pestilentia, quæ nunc Pata-
uium urbem, cuius florentissimo gymnasio prefe-
ctus es, miserabiliter infestat, excerpta quedam
pertractavi. Non enim ingratum id tibi muneris
fore arbitratus sum, cum quod à tui amantiſſimo
proficiscitur, tum quod laboranti ciuitati, locisq; a-
lijs in posterum laboraturis, profutura non pauca co-
gnosces. Tu igitur libellum lata fronte accipias ve-
lim, eumq; cum ocium dabitur, legas; Nullate-
nus

nus enim uereor, eius lectionem contemptui tibi futuram, quamuis singulare nullum, praesentaneumq; huic morbo auxilium, siue ad curationem, siue ad praecautiorem spectes, celebrauerim: his dumtaxat tribus, Ocyus, Longius, Serius exceptis. Satis enim tibi tuiq; similibus constare arbitratus sum, in nullo alio morbo, tot inueniri excogitata remedia, Artisq; presidia; nec ullum esse, in quo difficiliora sint iudicia, fallaciora experimenta, occasionesq; magis praecipites: Propterea pro comperto quoque habendum esse, plerosque singularia sua iactantes, nil aliud proficere, nisi ut plures aegrotos perdant, facinorososq; plures, ad alios perdendos, audaciores reddant. Vale, meq; ut soles, ama,

Venetijs Idibus Septemb.

M D L V.

3

DECEM PROBLEMATATA,
DE PESTE,

Per Victorem de Bonagentibus,
Medicum Venetum.



OSTENDAM dira lues, multos simul perimens, per Venetam prouinciam grassari cœpit, præsertim uero, per hanc Inclytam metropolim, quidam magni nominis medici, instanti negotio incumbentes, de grauissimo hoc morbi genere, scribere aggressi sunt, noua certe non tam inuenientes, quàm ab alijs scripta repetêtes. Horum igitur exemplo, ego quoque obscurior quidem, sed ueritatis huiusq; Inclytæ prouinciæ amore pariter affectus, non ab re fore duxi, si quædam, ut clarius elucescerent, melius considerare, ac problematice pertractare. Nec propterea illorum furta damnare aut detegere proposui, Terentianæ enim sententiæ memor sum, Nullum est iam dictum quod non sit dictum prius. Præterea iam pridem didici, lucubrationes, hominum facultatibus persimiles esse, quæ, si male partæ sint, male dilabuntur, si autem bene, & sine aliorum iniuria sint acquisitæ, perennitate carere non solent.

A 3 Incipiam

Incipiam igitur à definitione, quam à Galeno
 Epid. 1. mutuabor, sic scribente; Pēstis, com-
 nis est, seu uulgaris morbus, exitialis, cuius cau-
 sa non uictus, sed cœlum: de cuius curatione
 consulentes omnes homines, ad deos sæpe refe-
 runt; Definitionis partes sic expono. Vulgaris
 dicitur, id est, plurimos aut certe multos conta-
 ge sua inuadens, & è regione oppositus disper-
 sis. Exitialis, quod multos simul cito perimat,
 & per hoc differt à uulgaribus lenibus: Cuius
 causa cœlum, cœlo enim id est aere interceden-
 te semper fit contagio. Estq; aer communiter
 omnem pestilentiarum causa. licet enim uicio
 alimentorum possit quispiam arripi febre ma-
 ligna uel pestilenti, quam pestem tertij generis
 nuncupamus; illa tamen nondum pestis est, ni-
 si aere intercedente, & insensibilibus atomis a-
 liū simili infectione infecerit. idē hēt Hip. lib.
 de Nat. humana, his uerbis. Morbi fiunt par-
 tim à uictu, partim à spiritu, cuius attractione
 uiuimus. Idem libro de flatibus, licet suspe-
 ctus sit, Sunt autem febrium duo genera quo-
 rum alterum commune omnibus pestis appel-
 latur, alterum ob malam diætā priuatim eis
 contingit, qui ea utuntur. Sed fusius Galenus
 in comentarijs Epid. hæc explicauit. Afficitur
 uero (ut censeo) primo quidem cerebrum:
 quamuis cætera quoque principalia mox com-
 municent, Ait enim Hipp. lib. de sacro morbo;
 Pruden-

» Prudentiam ac aerē omniū primū ex hisquē in
 » corpore insunt percipit cerebrum; Tam igitur ob aerem quā ob cogitationem & consilium capiendum in infortunijs & periculis afficitur cerebrum, Nec aberrant, qui fixam imaginationem inter causas occasionesq; pestis recipiunt, Licet enim ex se efficax non sit, alijs tamen uel modicis annexa efficit; eiusq; uires celeberrimi auctores, in alieno etiam corpore admittunt, nedum in proprio.

V idetur etiam (ut ex Fracastorij & Agricolaē scriptis prae cæteris candidis & doctis, colligere possumus) Ordine quodam analogico hoc Genus de suis speciebus prædicari: Primo enim & proprie de peste orta à cæca aeris uniuersalis infectione, putredine per nares, anhelitum, & inuisibilia foramina attracta simul & propagata, omnium maxime contagiosa, quæ ad distans, fomite, & contactu afficit. Secundo de orta ex humorum putredine quam diuturna aeris intemperies manifesta peperit, etiam contagiosa sed minus quā prima. plus enim fomite & contactu, parum ad distans afficit. Tertio de orta ex humorum putredine, quam uiciosum alimentum effecit, minimum contagiosa, contactu enim & frictione afficit, quandoque fomite, minime eminus, nisi ualde sordida fuerit. Quocirca has ipsas febres pestilentes nonnūquam sine peste incidere asseruit Gal. Raro

uero uisa est in regionibus nostris pestis primi generis, sed forte apud Aegyptios, & Indos, quibus etiam fermentum pestium refertur. Inde enim alias prouincias irrepsisse, sapissimeque per omnes fere populos debacatam, in chronicis legimus. a me autem nunquam uisa fuit, sed plerunque pestis tertij generis, & quandoque secundi, ut annis 1527. 1528. crebrius enim pestis alibi orta, seu ex sordida aliqua putredine excitata fomes & seminarium per incautos, aut prauos homines de una regione & ciuitate in aliam apportatur, longelateque serpens, sicut nunc euenit, primum enim grassata est per Histriam, deinde Veneta ciuitatem inuasit, nunc patauinam uexat. Reciduias etiam facere consuevit, nisi poenitus extincta fuerint seminaria una cum ferentibus. ut Florentiae factum, apud Mattheum Palmerium legimus, nam ab anno 1348. per interualla, usque ad annum 1418. frequentans, multitudinis multa milia in urbe extinxit: & per agros cuncta fere deserta reliquit: Idque quater.

A tque ex his appendix definitionis perspicua est, quod scilicet de curatione ad deos saepe referant. Ait enim Hipp. libro de sacro morbo,
» Homines uero naturam morborum diuinam
» esse putant praeter inexperience & admiratione,
» propterea quod reliquis morbis nulla re similis sit, & per inopiam quidem, quod non cognoscunt,

9
„ gnoscent, diuinitas ipsis conseruatur, per abun-
„ dantiam uero & parabilem modum sanationis
„ exoluuntur: Enimuero tunc solemus ad deum
„ confugere, quum humana auxilia sunt parca, &
„ ut canit psal. ad dominum cum tribulamur, cla-
„ mamus: Sed in prosperis, & quamdiu sani su-
„ mus morbus concupiscentiæ insanit. Idem
„ quoque Hipp. licet nulla re esse morbum
„ aliquem alio diuiniorem putet, & 1. prognost.
„ per uerbum diuinum, aeris conditionem intel-
„ ligat, Non tamen aere utitur deo quod Dioge-
„ ni apolloniati attribuit, M. Cic. sed mētem ex-
„ piationemq; diuinam, his uerbis admittit, Non
„ tamen ego puto hominis corpus à deo inqui-
„ nari sordidissimum scilicet à purissimo, uerū
„ etiam si contingat ab alio inquinari, aut quid
„ perpeti, cupierit utique à deo purgari, ac purifi-
„ cari magis quàm inquinari. Deus nanque est
„ qui maxima ac sceleratissima peccata purgat,
„ & purificat, & liberatio nostra existit. Quid
„ plus credit perfectus christianus? Quare non
„ possum non admirari quendam superioribus
„ diebus, ex Patauino gymnasio scripsisse, uerifi-
„ mile non esse Patauinam pestem esse iram dei,
„ quoniam hoc est poeticum & fabulosum; qui
„ etiam sibi mire complacens Patauinos ciues
„ indignos putat, qui plectanter hoc morbi gene-
„ re. Nam si conferantur cum alijs, fortasse san-
„ ctiores iudicabuntur. Quasi uero. Cognoue-
rit

rit ipse mentem Domini, aut fuerit illi à consi-
lijs, ab eoq; acceperit causam bonorum positi-
ue & malorum priuatiue. Ego uero à meis
Theologis didici, quicquid à deo est, bonum
æque ac salutare ducendum esse, quum ex uo-
catis humano more malis bona eliciat, & fan-
ctos quoque exerceat, atque affligat, uel eā ob
causam, ut quum consolationem in periculis
experiuntur, agnoscant præsentiam & bonita-
tem dei, & discant deum uelle, ne pendeamus à
consilijs nostris, sed ab auxilio eius, qui facit su-
pra quàm petere, aut intelligere possimus:
Quinimmo sancti etiam & uere pœnitentes di-
lexerunt flagella, ut Apostoli & Paulus sæpe;
” nec non Dauid, sic orans. Ego sum qui peccaui,
” & ego inique ægi isti qui oues sunt quid æge-
” runt? uertatur obsecro furor tuus contra me,
” & domum patris mei. & misertus est dominus
” super afflictionem, & ait Angelo percutienti,
” sufficit nunc, cessauitq; pestis. & de his satis.
Quidam ut Agricola, In definitione febrilem
morbum pestem esse addunt, quod licet princi-
pijs non repugnet, Non tamen omnino probo,
quum Hipp. ante febrem & citra febrem pestes
admittat, quod etiam Ioan. Bocacius, atque alij
scriptores, pestis anni 1348. confirmant.
Inuadebat enim illa cum sputo sanguinis, &
repente, aut ad summum triduo interimebat,
citra febrem, saltem euidentem. & cum tumo-
ribus

ribus in emunctorijs. & uisu ne dum tactu affi-
ciebat. Dyssenteria quoque pestilentes admit-
tuntur, de quibus in sacris litteris legimus; Fie-
ri enim uero potest, ut tanta sit aeris tamq; ue-
nenosa infectio, ut absque accensione calidita-
tis naturalis, ut in hieme frigidissima interfi-
ciat; & hoc putant quidam, uoluisse Auic. 1. fen-
quarti canonis cap. de signis feb. pest. uerbis il-
lis; & ex his quidem febribus &c. quamuis alij
aliter exponat. At si definiamus pestes, quæ ple-
runque temporibus nostris apparent, hanc ad-
ditionem non damno. Quod alij cū sæuis sym-
ptomatibus & morbis addunt, ego sub uerbo
exitialis comprehendi puto, aut si libet uerbū
acutum addas: est enim acutus morbus ex Ga-
leni & Archigenis sententia, cui motus uelox
& subito pericula adueniunt, quod uerum est
tam comparando dispositionem dispositioni,
quàm accidens accidenti. Nam ut habet Hipp.
ubi morbus peracutus est, statim extremos ha-
bet labores; labores autem uel accessiones, uel
simpliciter accidentia omnia appellat; acces-
siones enim & accidentia omnia in uniuersum
maxima possidet morbus peracutus statim in
primis diebus, nā statim incidit uigor, qui est
in morbis summa accidentium uehementia, in
quo fiūt crises, quæ maiori ex parte ad bonum
terminantur, nisi sit pestilēs constitutio, in qua
maiori ex parte ad malū finiūt; Hæc de diffin.

Nunc

Nunc problemata proponam, primumq; an
 febris aliqua pestilens sit hectica, quod recen-
 tiores medici ex locis quibusdam Galeni colli-
 gunt: ab Arabicis autem & latinis scriptum nō
 reperio; quum febres pestilentes in putridas &
 diarias secant. loca autem Galeni sunt 3. de pre-
 sagijs ex pulsu, 10. Methodi, & 1. de differentijs
 febrium; & si uerum fatendum sit: proprie he-
 cticam intelligēdo, in qua ex calefacto esse cor-
 dis & membrorum prouenit calefieri spirituū
 & humorum, & consumptio humiditatum se-
 cundarum. nulla febris pestilens potest dici he-
ctica. Quomodo enim hoc dici possit? quum
 peracuta aut saltem acuta sit omnis pestis hec-
 tica autem temporis diuturnitate alijs febribus
 succedat, & quomodo sine materia pestilens
 calor, è regione uitæ oppositus, potest in mem-
 bris figi? At si Galeni sententiam de phreniti-
de hectica attigerimus, pestes etiam hecticas
 admittemus. Verba autem Galeni ascribam.
 „ Phrenitide igitur ipsa ex bilioso succo genera-
 „ tionem habente cum his in cerebrum decubue-
 „ rit, principio quidem, qualitate nōdum toti ce-
 „ rebri corpori; permista confusaq; tumultuosæ
 „ fiunt desipientiæ, procedente uero tempore, si-
 „ mile quippiam contrahitur, lanis quæ ab appel-
 „ latis tinctoribus tincturam accipiunt, nempe
 „ & hæ uix eluibiles redduntur, non secus quàm
 „ quæ proprium ab initio colorem habent, talis
 igitur

igitur ueluti cerebri tinctura desipientiam he-
cticam habet, atque ideo affectio horum ut fe-
brium hecticarum praua est. Sic igitur hectica
quoque pestilentem admittere possumus. quā
etiam A uicenna forsitan intellexit, citatis uer-
bis cap. de signis febris pest. Tabificæ etiam pe-
stis, uel febris pestilētis; meminit Hipp. 1. Epi.
& eum sequutus Agricola. qui ex ipsius Galeni
sententia, putridam pestilentem, ab hectica pe-
stilente, sic distinguit: quòd hectica à calore pu-
trido spiritu in pulmonem ducto, & ex eo à
corde attracto, ac toto in cordis corpus lato
fiat: putrida autem ad humores qui sunt in cor-
dis uentriculis deflexa, in quos per cauam ue-
nam influunt eos putrefaciat, & accēdat: atque
ita ex diaria hecticam gignit, quod per raro eue-
nire crediderim, perraro enim fit hectica sta-
tim ab initio aut ex diaria: modus autem à me
traditus omnem euitat ambiguitatem.

2 QVONIAM uero, satis euidens est, occasio, &
origo, pestis tertij ordinis, ex alimentorum seu
humorum uicio ad putrescendum paratorum,
cum tenuem occasionem ad febris originem,
ex causis prochatarcticis acceperint. & sunt
uerba Gal. 1. de differen. feb. euidens quoque
est occasio pestis secundi ordinis, scilicet diu-
turna caliditas & humiditas aeris, aut etiam ut
A uicen. placet, flagrantissimus & intollerabi-
lis æstus æstatis, aut frigus hiemis, quæ duo ca-
nes

nes etiam in rabiem agunt, horum enim primū
dissipando, postremum uero extinguendo nati-
uum calorem, humores obnoxios relinquit fœ-
dis putredinibus, & facile mutabiles in ueneni
naturam: merito etiam euidentis occasio seu cau-
sa pestis primi ordinis quæritur: de qua quidē
scribentes, modo exalationem putridam, mo-
do putridam qualitatem, modo specificæ aeris
formæ & substantiæ corruptionem, modo spi-
rituales qualitates, aut materiales, modo parti-
culas insensibiles corporeas acres, sed consti-
tutione humiditas, quæ euaporant appellant,
quandoque uenenum calidum, aliàs mortife-
ros spiritus, aliàs occultas proprietates, quæ
omnia declarant ignotū per ignotius. Auicenna
aliquando substantiam extraneam complexio-
ni spiritus contrariam aeri permistam uocat;
aliquando putredinem aeris, similem putredi-
ni aquæ, remollientis fœtidæ: quod certè, mihi
clarius dictum uidetur, est enim pestilens pu-
tredo ualde similis fœtori, licet fœtor non sit,
& à quibusdam fœtidis augetur, debilitatur ue-
ro ab odoratis. Vaporosa enim substantia, si be-
ne olens iucundaq; sit, natiuis spiritibus fami-
liaris est, qui etiam ex ea regenerari possunt, a-
pud Galenum, & Hipp. apud alios saltem fo-
ueri, præterea pestilentibus uaporibus, natura
sua aduersatur. Si uero graueoleat offendatq;
odoratum, multiplex est; quædam enim pro-
pter

pter acciditatem acrimoniamq; offendit, atque
 hæc natura sua pestiferis uaporibus repugnat,
 quamuis spiritus non reficiat: quædã uero pro
 pter putrilaginem & corruptionem graueolet,
 atque hæc, cum spiritibus admodum sit inimi-
 ca, pestis etiam seminaria ob similitudinem fo-
 uet, & adauget: quare ocysimam perniciẽ por-
 tendit, si in expiratione ægrotorum obseruata
 fuerit: sine fœtore tamen accidit in aere perni-
 ciosa pestilitas, & propterea aliquando hæc æ-
 ris corruptionem proprius mollitiem seu laxi-
 tatem appellandam duxi; idest priuationẽ mo-
 deratã illius stipticitatis, quæ humida omnia
 conseruat, & in eis natiuum calorem retinet:
 nam & aqua ipsa quàm primum ea exuitur, iã
 corrupta est, ideo lacunarum aquæ mollissime
 sunt, ut tactu manus abluentes percipimus, suc-
 cisq; stiptiticis corriguntur: sicut enim terra
 omni exuta humiditate herbas, plantasq; non
 nutrit, ut albus, purusq; sabulo, sic aqua, & aer
 omni exuta siccitate animalibus perniciosa
 sunt; sic unum modico alumine conseruatur,
 & fructus stipticitate destituti cito putrescunt,
 ut cucumeres melopepones & similes.

E st autem commune, ut dixi, pestium principiũ
 aereum, complicanturq; causæ & species pe-
 stis duæ, & tres in unum annum, & locum, at-
 que coincidunt, crediderimq; euenire posse, ut
 stante aeris constitutione bona tam in manife-
 stis

stis qualitatibus quàm in substantia, quispiam
repletus prauis uiciosisque humoribus, paula-
tim aut etiam confertim aceruatis, arripiatur fe-
bre maligna & ex eius corpore tam multa & for-
dida exalet putredo ut aeris proximi & in uesti-
bus, pellibus, culcitrisque puluinis, & similibus
detenti, substantiam inficiat fomitemque; in eis
relinquat, seu seminaria, quæ postea paulatim
serpentina, possint pesti primi generis occasio-
nem præbere; sicuti inhumata quoque cadaue-
ra in prelio occisa; aliaque; plura à scriptoribus
obseruata efficere possunt: atque ita fit læsio-
num circuitus ab aere, scilicet ad corpora, & à
corporibus ad aerem. Quocirca nam possum
non damnare, præfides salutis ciuitatum, alio-
qui optime institutarum, qui pauperes mise-
rosque; in febris pestilentis seu malignitatis for-
dideque; putredinis suspitione, angustis tugurijs,
quos thucidides suffocantes uocat, includunt,
cum summa cibariorum, aliorumque; ad uitam
attinentium inopia, atque ita ueram pestem gi-
gnunt, tribus potissimis concurrentibus cau-
sis, apnoia; uiciosi alimentis, & pestis immagi-
ne. An uero pestis quæ nunc Patauina ci-
uitatem affligit primi generis sit, ut potius ter-
tij, quæ scilicet ex particulari fomite huc & il-
luc ab homine ad hominem delato gignatur,
equidem definire non ausim, inclino tamen in
Landi sententiam; Aeremque; de more constitu-
tionemque;

tionemq; salubrem cenſeo, non tamen aſſen-
tior uere appetente peſtilentibus febribus, ob-
noxiam eſſe Patauinaſ ciuitatem, uti olim Ro-
ma hemitritæo: Id enim audiui nunquam, li-
cet ab annis. 25. & pluribus, citra. in hac Regio-
ne artem exercuerim, & cum exercentibus con-
uerſatus ſim, ſed potius medicos ipſos malam
curationem, ut paulo poſt dicam, peſtilentia,
ſeu malignitate excuſare arbitror: quocirca
nunc quoque malam curam magis culpo: præ-
fertim cum ab unius tantum utinam officiôſi
& apti hominis ſententia totum pendeat nego-
cium: negare tamen non auſim, quod ſicut lues
ſegetum corrumpit quandoque ſegetes unius
tantum prouinciæ, ciuitatis, aut opidi, & pagi,
immo unius eiſdemq; pagi regionem unam
& non alias, ſic etiam hominibus euenire poſ-
ſit, & Patauiniſ forſitan euenierit: præfertim
quum à quibuſdâ annis citra factæ fuerint per
Illuſtriſ. dominos quædam fluuiorum ſuſpê-
ſiones, quæ fortasſe uicium, in aliqua parte im-
preſſerunt: audio enim quosdam qui nullis cõ-
uerſantur infici, ſed hic quoque fraudes inter-
uenire poſſunt, lucri & malorum miniſtrorum
cauſa; quos maxime expediret ſynceros pro-
bos, & plures eſſe, quod ni fiat uereor ne tarde
liberentur.

3 QVÆRITVR etiam quid interſit inter pe-
ſtilentem ſeu malignam febrem, & ipſam uere
B peſtem

pestem, quod etiam complures exercuit. Ego
uero iam dixi & rursus dicam, tantum interesse
quantum interest inter ictum basilisci uel (si de
eo cum Galeno dubitemus) catobleponis & a-
liorum uenenatorum; estq; commodissima
comparatio, quum similis sit utrorūque pari-
terq; admiranda generatio, ut idē Gal. scripsit,
quāuis uenenata non possint tale in secundo
gignere, quale in primo fuit: pręterquā demor-
si à cane rabido, qui obuiam factos mordendo
simili uicio labefactant. Ictus enim uene-
natorum, sic distinguuntur, quędam enim inter-
ficiunt infra tres horas, penetrando ictu oculi
corporis porros, & per os oculos & narres ad
cerebrum pulmones, & cor: Sicq; basiliscus
omne animantium genus, solo uisu, afflatu, &
sibilo conficit uiuus, & mortuus solo attactu:
cui similis est ictus catobleponis, & uerę pestis
infectio non dissimilis: quędam interimūt ual-
de tarde, aut nequaquam interimunt, quum nō
habeant uenenum de quo sit curandum, ut mu-
res catti, & similes; Quędam inter hęc media
sunt, quorum uenenum soluta cōtinuitate per
uenas & arterias petit cor, attractum & propa-
gatum, corrumpendo & putrefaciendo: atque
his similes sunt malignę febres tum mitiores,
tum etiam seuiore, quę eminus non inficiunt,
sed contactu & contractatione tantum; nisi fœ-
dissima & sordidissima sit putredo, ut dixi; sic
enim

enim & ouso alio qui minime uenenatus cum irritatur uenenum uibrat. Exemplum aliud. peste affectus ad distans semina corporea aut spiritualia eiacularur, ut aromata odorem, febre autem pestilēti laborans eo modo inficit, quo electrum paleas attrahit, calefactum scilicet attritione. Fascinationes quoque fiūt spiritu aut spirituali qualitate fascinātis per oculos fascinati ad cor transmissio. & lipitudines quædam eminus inficiunt, si quispiam in liporum oculos spectauerit: at scabies & lepra contactu contractationeq; tantum afficiunt. Alia quoque exēpla à Fracastorio habebis; In his. n. qui sensibus percipiuntur, effectibus, sed principia nō satis sunt euidentia, melius per exēpla in causarum cognitionem manuducimur, ut Gal. quoque sæpe facit, & de hoc satis. Duo. n. subeunt problemata, ob quæ maxime molestantur medicorum collegia, per præsides ciuitatum, & salutis seruatores. Qui nam scilicet, & quæ res uenientes à locis infectis alios inficere possint; & quibus notis peste mortui dignoscantur.

- 4 H O R V M autē prius ex Gal. cap. de feb. pest.
 „ soluitur, quod etiā Auic. in sua transtulit, Nullā
 „ f. causarum sine patientis aptitudine agere posse; cum .n. corporum dispositiones dissimiles
 sint ac multiformes, quidam facile alterantur,
 ac patiuntur, à causa in ipsa agente, & operante,
 quidam insuperabiles omnino existunt, ac im-

B 2 pass-

passibiles, quidam cum difficultate patiuntur.
Potest autem hoc multis exemplis patefieri:
sic enim in theatro è mille qui aderunt, quatuor
tantum à Solis ardore comburuntur, & à febre
arripiuntur, aut fortasse unus tantum: & in fu-
nibus cannabinis ignis uix accenditur, & accē-
sus cito extinguitur, at si per tormentarios por-
tio aliqua præparata fuerit, accenditur, & usq;
ad consumptionem retinetur: Modicum etiam
fermenti totam massam fermentat, si aqua cali-
da dilutum ad minima diuisum, pinsatum, &
in tepido aere iusto tempore detentum fuerit,
alioqui nõ fermētat, sic in fero primi casei coa-
guli semina seruantur, nec tamen in secun-
darium caseum coguntur, nisi lento igni mo-
dicoq; lactis addito, tamdiu ebullierit donec
ad summum natarit. Facile igitur fieri potest
ut quidam inepti impassibiles seu cum diffi-
cultate superabiles, pestis semina in uestibus
seu ipsis poris cutis seruent, & incaute, aut spō-
te alios passibiles inficiant, atque interimant.
Plerunque uero corpora poris natura latis præ-
dita, sed propter oppillationes angustis, cæte-
ris omnibus passibilia reputantur, tempera-
tura quidem aut ætate calida. & humida: pluri-
ma enim aeris inspiratione undique indigent,
& quod attrahitur diutius retinetur, oppilatio-
nibus transpirationē prohibētibus, habentq;
qualitates putredini consentientes: contrarijs
de

de causis habentia poros natura astrictos, sed
fine obstructionibus, minus omnibus leduntur,
sunt uero frigida & sicca aut temperatura, aut eta-
te. Inter hæc media sunt quæ habent poros na-
tura latos & obstructionibus liberos, atque eis
de natura angustis obstructisq; prædita: ex his
autem duobus, passibilia postrema censet Pe-
trus de Tusignano, uir apud Bonon. ætate sua
cæleberrimus, qui etiã de peste scripsit: De bi-
liosiss aut pituitosis corporibus nil determinas
quare nec ego de his determinabo, minus. n. pas-
sibilia crediderim ex his, quæ antidotis & maxi-
me mero munita fuerint, nã ut est in adagio in-
tus existēs, prohibet extraneū, sed foris aceto aut
alio simili se munire, hostesq; in uisceribus, si
pare, qñq; periculo nō uacat. Ex inanimatis ue-
ro, quæcūq; natura facile putrescunt, facile infi-
ciuntur, & difficulter absoluuntur, sunt uero fora-
minosa, & læta, glutinosaq;: quæ imputrescibilia
sunt, cū difficultate inquant, & facile absoluunt,
sunt aut dura et dēsa et ualide cōmixta, ut lapis,
es, argentū, aurū, ferrū: qñ et preciosi lapides, &
aurū, pter opationē à forma specifica, & hoc et
boni habēt, qđ imputrescibilia cū sint, interius
sumpta putredini resistūt, idq; frequēter ex usu
est medicis. Primū uero locū mea quidē senten-
tia obtinēt pellicea, uellera, pēnæ, pluma, cottū,
quæ cū inficiunt igne purgāda essent: quo fit ut
catti, atq; domestici caniculi qui in his cubitat

B 3 peri-

periculosi sint; Postremo loco sunt iam dicta
imputrescibilia, eisq; similia, quæ tamen con-
trahere extrinsecam infectionem tactu afficiē-
tem possunt, ueluti etiam tenuem odorem ut
musci & similium, & fumum, fuliginemq; : in
quibus sufficere potest si aceto, aut simili acri
abluantur, aut suffiantur, seu infundantur.
His Aromata annecti possunt, quæ euaporant
substantiam pesti contrariam, si tamen à locis
infectis apportantur, tutius est ea aliquātis per :
uentillare, & omni inuolucro exuere: nam si, ut
quidam amicus noster auctoritate propria defi-
niuit, ueluti ignis purgans, possent fomitem &
feminaria ab inuolucris expellere, possent uti-
que, ut ignis comburere, & ambientem aerem,
sine igne à peste ut ignis depurare, quod tamē
fieri confidit, aut scripsit nemo: quinimmo au-
diuimus maleficos quosdam saniem pestiferā
aliquando saponi odorato unijisse, uenditasseq;
ac utentes infecisse. Inter hæc media multa sunt
fomitem conseruantia, ut sericum, linum, can-
nabis, coria, ligna quædam: præterea pāni linei,
lanei, & sericei, quæ si bene uentillentur & dili-
genter abluantur, Soliq; & aerī pro quadragin-
ta dies exponantur, saluari possunt; si nil inte-
rim in ministris nouatum fuerit: & hoc utique
dixi quod uiderim anno 1528. ex linteis pe-
stilentibus in aceruo linteorum lixiuio purga-
torum, ut fieri solet contractatis, circiter xix
ho-

homines diuersæ ætatis, & sexus paucorū dierū
spacio perijsse; sic sæpe uidi ex paruo linteolo
musci odore imbuto totum linteorum aceruū
muscum redoluisse; Porro tenuiora sunt, mea
quidem sentētia seminaria pestis quàm musci;
& sicut musci ambregq; odor, oleo balanino a-
cuitur, quàmuis id oleum odoratum non sit:
sic pestis acuitur, & è mitiori fit sæuior, pro-
pter aerem suffocatum, quàmuis ipse ex se pesti-
lens non sit. Et quum impossibile sit omnia sy-
gillatim recensere, de alijs per hęc iudicare po-
teris, inspecta glutinositate, foraminum laxita-
te, & alijs, quę docte Fracastorius cōsiderauit.

- 5 Notæ autē mortuorum peste, similes sunt no-
tis eorū qui à uenenatis, ut dixi, demorſi sunt.
Quibusdam. n. ut Dios. recensuit, apparet uiror
& decoloratio absque tumore, aliis locus attol-
litur cum duritia pustulosus & ruffescit: alijs
ulcus ingens liuidum apparet & depascēs; aliis
nigra uesica diluta sanie turgens exurgit, pro-
ximę autem partes liuent, aut denigrantur, aliis
carnes, ut in hydrope, macerate defluunt; Ho-
rum igitur quędam uerisimile est in mortuis
peste apparere, ueluti etiā haustis uenenis qui-
busdam apparent: mirum quoque tradunt, ab
hēmorrhoo iētis, si qua cicatrix non nusquam
affuerit frangi, & sanguinem emanare, sic quo-
que refert Agricola, in peste quosdam sangui-
nem exsudantes perire; inquit quoque Gal. cū

B 4 quis

„ quis de repente moritur, & corpus, aut liuens,
„ aut nigricans, aut uarium est, aut præ marcore
„ fœdum molestumq; reddit odorem, hunc ue-
„ neno perijsse aiunt, aut sumpto, aut quod è cor-
pore ortum habet: iidem enim sunt affectus.
Hipp. Epid. 3. ora aphtis uitiata, & pudenda tu-
berculis, lipitudines, & carbunculos, affert: &
post pauca minutos admodum punctos, cum
sacro igne celeriter depascente, qualem aliquã-
do in hac peste in pudendis obseruauit. Gale. 3.
de præsagijs ex pulsu, os ab herpete depastum,
alchola uocant Arabici, assignat. Agricola pecu-
liare signum asserit, liuorem nasi aurium, & un-
guium fœdiorem quàm in alijs mortuis, quod
fallacissimum est. Quidam addunt capillos cõ-
festim defluentes si acutissima sit, quod ictis à
basilisco euenit, apud Aetium.

At euidentiora comprobataq; in regionibus no-
stris signa, sunt, constitutio aeris inconstans,
mors repentina, carbunculi in aliqua corporis
parte, aut bubones in inguine, aut alijs emun-
ctorijs, aut parotides malignæ, quod dixi, obla-
xas & decretorias, quæ non sunt exitiales. Ho-
rum enim aliqua omnino solent in peste uide-
ri, si non plura, aut omnia. Et sicut morbus ho-
die depilans, est affinis morbo gallico: sic pesti
affines sunt maculæ, & tubercula, seu pustulæ,
quas papulas politiores apud Hipp. uertunt, a-
lij exanthemata, Auic. bothor uocat, Græcum
uulgus

12

uulguſ $\varpi\alpha\tau\iota\kappa\eta$, quod etiam uulguſ Venetū re-
 tinet, noſtrates lenticulas appellant: ex quibus
 nigre, uiolaceæ, aut liuide, peſſime ſunt. Signū
 quoque ſed nothum & ſpurium eſt, dorſum ſi-
 mile dorſo flagellis ceſi, quod eſt ſignum Auic.
 in pleuritide, cuius hæc ſunt uerba. cap. de ſi-
 „ gnis malis. Inquit Hipp. Multoties eſt ſputum
 „ bonum, facile, & ſimiliter anhelitus, & ſunt illic
 „ alia ſigna mala, mortalia, ſcilicet, ſpecies in qua
 „ eſt dolor ad poſteriora, & eſt quaſi ſit dorſum
 „ patientis eam dorſum uerberati, & eſt urina e-
 „ ius ſanguinea, ſanioſa, & raro ſit beatus, immo
 „ moritur inter quartum, & ſeptimum. Locus au-
 tem Hipp. aut eſt primo de ratione uictus in a-
 cutis cō. 35. aut potius Auctoris libri de mor-
 bis, cuius uerba audire præſtabit. Pleuritis ad
 „ dorſum intātum ab alijs differt: Dorſum dolet
 „ ueluti ex plaga, & ſuſpirat, & acceruatim reſpi-
 „ rat, ſtatim autem ſpuit pauca & corpus delaffa-
 „ tur, tertia aut quarta die ſaniē mingit ſubcruē-
 „ tam; moritur autem maxime quinta die, ſi mi-
 „ nus ſeptima, haſ ſi effugerit uixerit. Fieri enim-
 uero poteſt, ut inflammationes, tumoresq; pe-
 ſtilentes interiores ſint: Admittuntq; Hippo-
 pariter & Gal. peſtes cum febre ardente, phre-
 nitide, angina, iecorisq; inflāmatione & pulmo-
 nis: quinimmo aſſerūt quidā exteriores tumo-
 res interiores peſtilētes idicare, idq; in diſſectio-
 nibus uiſum fuiſſe; & cōtingit uariolas quoq;
 intrin-

intrinsecas fieri in panniculis cerebri, intestinis, & gula. In mortuis etiam peste sine febre, aut cum febre diaria, nullum fortasse signum apparebit. Signum enim ab inherētibus secundum essentie rationem, pestis, est alterius inuasio, seu potius multorum simul, idq; ad certam distantia; que sola experientia deprehenduntur.

¶ E A D E M, & alia ab operationibus & exeūtibus sumpta, sunt signa pestis in uiuis, quæ à Gal. 3. de præfagijs, ex pulsu, & ab alijs habere poteris. De quibus etiā dubitari solet, an melius sit extrinsecos tumores, maculas, seu papulas, cito apparere uel tarde: cito uero apparentia modo cetera sint paria mihi magis probantur, quāuis à principio nunquam fieri crīsim nisi perniciosam, scribant Gal. pariter & Auic. Id. n. habet ueritatem in morbis, constantibus & boni iudicij, qui magna ex parte recte curati ad bonum terminantur; sed in peste quæ semper est perniciosa & inconstans minime: sicuti autem pessimum est, si tumores post apparitionē euanescent, & uires resoluantur: ita optimum & maximum si persistant & sequatur alleuiatio: semperq; deterius est eos carere dolore, pruritu, & sensatione; proprium enim est pessimorum uenenorum sensum membri obtundere, & stuporē inducere natiuū calorē extinguēdo.

¶ A N maligna febris seu pestis ipsa futura aut inchoans agnosci possit? Certe si signa ab auctori-

thoribus nostris tam ueteribus quàm recentio-
 ribus scripta perfecte obseruauerimus; possu-
 mus futuram pestem primi generis aut etiã se-
 cundi præfagari; id tamen diuinum potius ac
 propheticũ est quàm humanũ: tantoq; magis
 in peste tertij generis fomite tantũ afficiente, ni-
 si occulta consilia cum prauis hominibus fo-
 mitem spargentibus intercesserint; contẽdit. n.
 „ Gal. 6. de locis affectis, ab exiguo initio auctam
 „ quandam in corpore dispositionem, quãdo ad
 „ magnitudinem notatu dignam peruenerit, di-
 „ scerni posse, quum nunquam ante id tempus
 „ deprehendi nota aliqua potuerit; in exemplo
 „ proponẽs demorsos à canibus rabidis, qui post
 „ sex menses deprehenduntur. Alio quoque loco
 „ ait. Res hæc non aliter quàm plantæ recens è ter-
 „ ra ortẽ dignoscitur; quas rusticus quidam peri-
 „ tus confestim internoscit, cæteris uero incogni-
 „ tẽ manent; Agros siquidem herbas germinatio-
 „ ne similes fere conspiciamus, quas nos non in-
 „ ternoscimus, rustici uero periti internouerunt,
 „ quid. s. herba sit, quid triticũ nuper natũ, quid
 „ auena, quid lolium: sic in morbis euenit, qui iã
 „ principium quodam habent generationis, sed
 „ nondum cogniti propter paruitatem sunt, nisi
 „ ualde paucis, & expertissimis. Et hoc quamuis
 „ extrinseci sint, ut carbunculi & similes; nam
 „ ut omittam uoracissimum morbum pestẽ, qui
 „ celeri exitu, se prodit, ipsa certe malignitas fe-
 „ brium

februm solummodo circa tempus uigoris de-
tegitur. quando enim materia in febris
acutis, quo ad qualitates manifestas, creditur ef-
se concocta, & morbi bonitas speratur, tunc pra-
ua signa deteguntur: malignæ. n. pustulæ, uer-
mes, aliaq; mala apparent, & præter animalis fa-
cultatis casum, qui uigoris tempori peculiaris
est, uitalis quoque plerunque cadit, atque hoc
est præcipuum malignitatis signum, si causas
manifestas non habeat. ob id Gal. Sect. 2. apho.
scripsit. uigoris tempore uirtutem animalem
semper esse maxime fatigatam, quàmuis duæ
aliæ fortes persisterent, quo loco, Vgo Senensis
addit, tunc etiam materiam maxime maligna-
ri, ut possimus ex his definire, malignitatē nil
aliud esse quàm contumaciam, seu repugnan-
tiam humorum ad concoctionem, ob totam
ipsum malam substantiam, & uenenosam,
sensim in sanitate generatam, seu in ipso mor-
bo febrili contractam: primum enim horum
admittit Galenus citato loco de locis aff. & li-
bro de cibis boni & mali succi, uariisq; passim
locis: postremum uero admittit cap. 4. libri de
atrabile, locisq; aliis: obseruauit quoque ego id
frequenter euenisse, si in acutis synochis & ar-
dentibus febribus, medici maxima auxilia omi-
serint, detractionem scilicet sanguinis, & frigi-
dæ potionem, quam confertim oblatam in pe-
ste pariter, & in aliis acutis febribus admittunt.

Au-

Auctores omnes. His enim duobus omiſſis remediis reſoluitur natiuus calor, ſanguinisq; maſſa exuſtione acrimoniam aſciſcit, & in malam mutatur ſpeciem: quin etiam tabidam febrem propter eaſdem cauſas admittit, idem Galenus, ſolidaq; ad ualidam ſiccitatem, quam arefactionem Auicenna uocat, perducit. Inquit etiam Hippo. ſecundo de natura hu. corpus quod nunquam refrigeratur citiſſime colliqueſcit, quippe quod ex multo calore igneo feruet.

- 8 QVÆRI etiam ſolet, quis ſit primus ſcopus curatricis pariter & præcautricis in peſte. Inquit autem Galenus erat eorum ſumma, ut Hippo. oſtendit, putrefactio: quod quum nos præuidiſſemus, ſtatim à principio quæcunq; que corpora humida uidebantur omni uia exſiccare conabamur, quæ uero ſicciora in his antiquum habitum conſeruabamus: at in quibus ſuperfluitates redundabant, hæc purgationibus ſanabamus, obſtructiones autem aperire, atque abſtergere ſtudebamus; & poſt pauca ait, una ſiquidem ac prima eſt omnibus intentio, quod corpus quàm maxime ſuperfluitatibus uacet, atque optime ſpiret, ſecundo loco, ut præpotenti cauſæ, quo ad eius fieri poteſt, aduerſetur. eadē tranſtulit Aetius & Auicen. quoque cap. de præſeruatione, & de curatione. Poſſumus igitur ex his

his hunc aphorismum colligere, exsiccantes potestate dietæ omnibus febre pestilentiali correptis, conueniunt, præsertim uero humidis: contra quàm scriptum sit aphorismo illo. Humida dietæ omnibus febricitantibus cōueniunt, præsertim uero pueris, & alijs sic assuetis refici. quod autem actiuarum qualitatum utrobique nulla fiat mentio, speculatoribus inquirendū relinquo, illisq; præsertim sciolis qui uinū ex malis punicis expressum, & aurantia poma acria, hisq; similia in febribus malignis damnāt. Putant etiam quidam ueteres græcos in pestilentiæ curatione neque sanguinis detractiōe, neque humores purgatione usos fuisse, attamen non propterea sunt omittenda, nā in alijs quoque acutis & malignis morbis ea omiserunt, admirationem posteris relinquentes, ut Gal. in commentarijs Epid. sæpe. Sed magis certe admiratione dignum est quod nec Græci, nec Arabici, de pestis curatione, quatenus fomite cōtagioq; afficit, ne uerbum protulerint, quin etiā Gal. contagii rem. 1. dūtaxat de diff. feb. cap. 2. paucissimis uerbis expedit, & latini pro pauca habent; cuius quidem curationis primæ intentiones sunt, separatio infectorum, proba aeris uentillatio, conclauium aut saltem lectulorum frequens permutatio, unā cum linteis, & culcitrīs, præsertim si in eis exsudatum fuerit; uel si eis tepesactis minister sudorem deterferit: com
burenda

„burenda enim aut poenitus abijcienda sunt. Ip-
 „sis quoque laborantibus Gratia, ut munda sint
 „omnia, & grata omnibus sensibus suis, præ cæ-
 „teris laborantibus. Sed quid primo præter hæc
 exequendum? inquit Auic. oportet ut incipia-
 tur in ea ad euacuandum, mea uero sententia,
 exequenda est antidori quod præpotenti causæ
 aduersatur subita exhibitio, etiā bis aut ter, quā
 mox sequatur, aut sanguinis detractio, si aliorū
 proportione redundet, & uires cōstent: aut pur-
 gatio alterius humoris in cacochimia redundā-
 tis, antequam extrinsecum quid appareat; sitq;
 sanguinis detractio imminuens, ut uires in reli-
 quum sanguinem colligantur, potiusquā e-
 uacuās cum periculo resolutionis uiriū, quod
 semper imminet; inquit. n. Gal. Quum autem
 morbi initio medici nonnulli per paucis uenā
 incidere auderent (neque. n. ab re ab eius gene-
 ris remedio abstinebant, quandoquidem prius
 ægrorum uires resoluebantur) missus quidem
 sanguis non adeo probatæ bonitatis spectaba-
 tur: sit quoque deriuans potius quā reuellēs,
 si quid apparituum suspicemur: quo fit ut Ma-
 nardum laudem, qui, post tumoris apparitionē
 cucurbitula ei apposita ne retrocedat, & ante
 apparitionem cucurbitulis in emunctoriis ap-
 positis, uenam secat. Purgantia uero sint à recē-
 tioribus in peste probata, & coneoquentia non
 antiqua, sed propria; materiæ. n. pestilentis cō-
 coctio

coctio est uenenositatis correctio atque hebe-
tatio: quo utique fit ut quibusdam empiricis
utrosque scopos in suis electuariis ueniētibus
quandoque bene succedat. Quale est hoc, Masti-
cis ꝓ ʒ. Euphorbij ꝓ β. theriacæ optimæ
ꝓ β. Spicę nardi ꝓ ij. diptami albi. tormen-
tillæ, zedoariæ, carlinę, angelicę, glebę armenię,
coral. rub. diagridij. sing. ꝓ ʒ. quæ cōteri pos-
sunt redigantur in pollinem, & reliquis unian-
tur, & addita quantitate Iulep rosacei, quæ suffi-
ciat fiat electuarium. datur quantitate fabæ sin-
gulo mane ieiunis, aut alternis diebus, duplū.
Libet etiam in medium adducere nō contem-
nendam, quorundam etiam empiricorum cu-
rationem, per sudorem cientia efficacissima &
propria statim propinata: quale est quod ex
theriaca, uino odorato, & aqua stillatitia sterco-
ris humani fit, habent enim putrida cum putri-
dis, & fœda cum fœdis consensum. Aut ex the-
riaca, aqua ardenti, urina pueri, & oleo; quod si
uomitionem incitauerit uomitione ipsa prode-
rit, iteratumq; sudorem proritabit, etiam bis si
uires sustinent: de lectulo uero & aliis ut dixi
procuretur. Violentissima autem sunt hæc au-
xilia, sed in robustis & iuuenilibus corporibus
admittenda: Nullum enim uero horum à ratio-
nalibus Medicis arbitror admitteretur, nisi re-
pressa eorum excedente caliditate, per frigida
apozemata, sympos, & iulep, ut saltem in cibo-
rum

rum præparatione, per eadem intentiora in gradu & copia maiori, quidam uomitiones cuperosa cient, quod non probo, quum uenenum ueneno esse remedium non credam. Probant etiam nonnulli empirici, Realgar in puluerem redactum, & è regione cordis ad præcautionem gestatum; quod rationales medici absurdum putant, nisi forte scopus sit, ut propter hominis consuetudinem à natura acceptetur, deuincatur, conficiaturq; uenenum; quod euenire posse testatur Theophrastus atque Gal. Demiror etiam mirum in modum, audiens quosdam scolasticos materia ad cutim conuersa appositionem attrahentium damnare, eò quod sit motus naturæ symptomaticus: Nã si his attendamus, nihil unquã faciemus, sed omnia naturæ facienda dimitemus. Ea .n. quorũ crisis fit mouere non oportet, minusq; ea quæ symptomatis ratione expelluntur, apud eos; sed omnino in quauis excretionem aliquid agere melius est, naturæq; manum porrigere, euacuatio .n. per uias naturales, & à nobili ad ignobile transmissio, nõ potest dici ex toto symptomatica, ægroq; in præceptis periculum posito, omnia tẽtare satius est, ut à principalibus putredinem reuellamus, quum nusquam certi simus an sit in eis confirmata, necne, & an possit reuelli necne; Adducã uero in horum confirmationem, auream Gal. sententiam, in cõ. Epid. quæ non modo in peste,

C sed

sed in aliis quoque acutis morbis est obseruan-
 „ da; Habet autem Hipp. textus sic. Alium humo-
 „ rem non cum qui se prodit ducere, prodeuntē
 „ uero exprimere, agere quippiam. Gal. uero sub-
 „ dit; ex his quæ tum in aphorismis tum in lib.
 „ de hum. didicistis conspicuum est, quod si no-
 „ xius excernatur humor moderataq; fuerit eua-
 „ cuatio, permittendus ille est, neque alioqui ul-
 „ lum ei negotium facessendum, ita ubi ea mode-
 „ rata minime sit, medicum aliquid agere opere-
 „ precium erit, interdum eius copiam reprimen-
 „ do, quandoque uero parcam euacuationem in-
 „ citando. & post pauca subdit: adiuuanda esse
 „ quæ iudicantur. Quæ loca adduxi contra quo-
 rundam medentium sententiã, qui ex 1. Meth.
 ad Glauc. pro oraculo obseruant, uentris pro-
 fluuia cum febre, non esse iuuanda, etsi nõ sint
 pro multitudinis ratione; nec cohibenda quã-
 diu uires constant. Sed an uisio tumorũ & præ-
 fertim carbunculorum sit admittenda? certe,
 extra pestilentem statum, sæpe id factum uidi,
 & celerem inde sanationem subsecutã, inquit
 enim Dios. uisio ad uirulentos expeditissimũ
 est auxilium. Sed in peste cum Agricola, unã cũ
 aliis dolorificis id damno. inquit. n. Gal. sym-
 ptoma in perpetuum febris pestilentis, est συ-
 τήσις, idest colliquatio: sed deliquia quoque
 sunt pesti familiaria.

„ AN terra lemnia, Gleba armenia, scordeũ cre-
 tensc,

tense, & dictamū, aliaq; peregrina, ab antiquis celebrata præstēt domesticis nostris? equidem si antiquorum miracula, in parte empirica scripta, attēdamus, ea nostris præferemus: At si experientia rerum magistræ innitamur, nostris potius utemur. qualia sunt carlina, quæ est chameleo albus, angelica, uel Imperatoria, quæ est apud quosdam laserpitium, tormētilla, tunicū, calēdula, pimpinella, stœbe siue scabiosa, oxilapathū, citri partes. Adducor autē in hāc sententiam, seu quod miranda canāt, sed nō credenda poetæ, seu quod antiqua non satis sint nota, & præsertim Lādo qui dictami cretēsis albi radicē, alijs præfert, quam nusquam inuenias, nisi forte quis nostrā in cretā deferat: alba .n. pseudo dictamus, sola radice utilis, apud nos nascitur, folijs fraxineis inutilibus, quum cretensis solis folijs ualeat. Scordiū quoq; tam cretense, q̄ nostrū à Leoniceno tantis uigilijs quæsitum, parum ualet, experientiaq; cōpertum est scorodum, seu scorodon a uic. eo efficacius esse, nec ualde peccabit qui alleū domesticum ei prætulerit, est. n. theriaca rusticorū. Bolus uero armenius, & lemnia terra, adhuc sub iudice sunt, nec certū est, an bolus, palidi, rubei, aut lutei coloris sit: Theriacis quoq; andromachi atq; Metridatis perfectis caremus, siue Gal. siue a uicē. descriptiones probemus. Nemo tamen me auctore hāc omittat, sed cū præmeditatione pro-

pinet certioraq; desideret, futurum. n. aliquādo
spero, ut si noua methodo subiecerimus, huic-
quoq; atrocissimo morbo efficaciora remedia
inueniantur, Nec in uno confidendū, ut carnifi-
ces Nazareti faciunt, quum pro temperaturarū
morbi, & tēporis, symptomatumq; ratione: ua-
rianda esse auxilia, omnibus sit in confesso.

10 Q V O anni tēpore aptius inuadit grassaturq;
hæc pessima lues? Nēpe quocunq; naturā suā
nō seruante, et cōtrariā induente, seu plurimū
à naturæ modo recedēte; estq; aphorist. senten-
„ tia. In constātibus temporibus, cum tempesti-
„ ue tempestiua reddūtur, morbi constātes & bo-
„ ni iudicii fiūt, in inconstātibus uero inconstan-
„ tes & mali iudicii; Præsertim uero si caliditas
cū humiditate copiosa ualde prædominetur, et
cum flatuū carentia quam ἀπνοία uocāt: atq;
hoc est quod in lib. Epid. inculcāt Hip. & Gal.
constitutiones ualde pluuias & haustrinas re-
censentes, primā. s. primi, & primā secundi, &
primam sectio, tertiæ tertij, ex quibus postre-
mæ pestilentes censentur. Constantes autem
annos & salubres citatis locis sic indicat Gale.
„ Hiems. n. frigiditate & humiditate, æstas calidi-
„ tate & siccitate præstat, uer in medio est, & licet
„ inclinet ad calidū & humidū, id non admodū
fit nisi caliditate & humiditate principiis uitæ
„ cōformi. Auctūnus autē semp incōstans, domi-
„ natur tamen ficcū humido, & frigidū calido; &
si quidem

» si quidem in auctūno aquæ descendūt, spirātq;
 » uenti frigidi, & hiems mediocritatē seruauerit,
 » neq; eūdīos fuerit, quod quidā tranquillū, alij
 » clemens, tepidum alii interpretātur, neq; opor
 » tuno frigore excedēs .i. pro tēporis & climatis
 » ratione, et uere aquę euenerint tēpestiuę, et ęsta
 » te .i. modicæ, maxime sub canis ortū, aliquan
 » tisper regnātibus haustris, mox succedentibus
 » pluuiis, tantis quantas afferunt ethefiæ, usq; ad
 » principiū auctumni, constantē, consuetū, & sa
 » lubrem, annū nuncupandū esse, satis cōstat. In
 » quo quidē quāuis pauca sit euersio quædā, uer
 » omniū sanissimū: finis autē ęstatis auctūniq;
 » principiū est pestiaptissimū, & maxime morti
 » ferū, quum adhuc excedēs caliditas persistat, &
 » excedēs humiditas superueniat. nec dici potest
 » corpora hoc tēpore esse sicciora, ob consum
 » ptionē humiditatū à calore ęstatis, hoc .n. non
 » sufficit, quū alię quoq; uiciosæ supersint: quin
 » immo aer ob præcessam caliditatē tenuior fa
 » ctus, aptior est, tā ut recipiat impressiones infi
 » cientes, q̄ ut permeet corpora: alia quoq; mala
 » in auctūno cōcurrūt, debilitas. s. corporum ob
 » dissolutionē spiritūū, & caloris naturalis, æsta
 » te factā, qui etiam spiritus ob inēqualitatē die
 » rū distrahuntur, nunc ad exteriora, nunc ad in
 » teriora, accedūt flatus malos uapores deferētes,
 » et fructuū copia malos humores et serosa excre
 » mēta generantiū, à quibus nemo abstinere po
 » test.

test. Quocirca admirādū certe fuit sperasse quē
piam, mense Augusto mutationē pestis Pataui
nē in melius; quū contrarium pręfagiendū fuisset,
nō in peste tantū, sed in aliis quoq; morbis.
» estq; aphorist. sentētia Hipp. & Gal. Qui alio
» quoq; loco auctumnū malum omnibus natu-
» ris ætatibus et regionibus pronūciauit, licet mi-
» nus ex ipsis lędantur calidę & humidę. Sed hie-
» mem quoq; pesti aptā esse, indicāt, hęc Gal. uer-
» ba: cæterū ipse aquiliā cum peruenissem mox
» pestis quantū nunquā antea ingruere cępit, un-
» de Imperatores statim Romā cum paucis mili-
» tibus fugere coacti, nos uero cū multis longo
» uix tēporę euasimus, absumptis plerisq; non tā
» ob pestis uehementiā q̄ quod media hieme ma-
» lum id sequiret: Sed ut alia omittamus à prauis
certe hominibus, lucrūq; ex humano sangui-
ne faciētibus, qui pestē ex sordidis putredini-
bus excitāt, fomitemq; huc et illuc spargūt, nul-
lū anni tēpus, nullaq; regio tuta esse potest; nisi
præsides ciuitatū in noxios & maleficos ani-
maduerterint; tēporis .n. successu eo accreuit
improbilas, ut nihil nō audeant homines. qua-
re noua quottidie supplicia inueniēda: nouiq;
inquirendi ueritatē modi aggrediēdi, delato-
res quoq; immunitate & pręmiis irritādo. At
que hęc sint satis, si ex Pauli diaconi historia
duas pestilētias apud priscos uagatas addideri-
» mus. Prior sic habet, eisdem temporibus in li-
guria

» guria maxima pestilētia exorta est, subito. n. ap
 » parebant quēdam signacula per domos. hostia,
 » uasa, & uestimēta, quæ si quis uoluisset abluere
 » magis, magisq; apparebāt; post annū uero ex-
 » pletū cæperunt nasci in inguinibus hominū, &
 » aliis delatioribus locis glādulę in modū nu-
 » cis, seu dactili, quas mox subsequebatur febriū
 » intollerabilis ęstus, ita ut triduo homo extin-
 » gueretur, si uero triduum trāsisset habebat spē
 » uiuēdi. Posteriorē sic describit: Solis quoque
 » Eclipsis eodē pene tēpore effecta est, mox sub-
 » secuta est pestis grauissima, tribus mēsibus Iu-
 » lio, Augusto, & Septemb. tātaq; fuit multitudo
 » morientiū, ut etiā parētes cū filiis, & fratres cū
 » fororibus bini per feretra positi, apud urbē Ro-
 » mā ad sepulcra ducerētur; Pari etiā modo hęc
 » pestilētia per Ticinū depopulata est, ita ut cun-
 » ctis ciuibus per iuga montiū, seu per deserta lo-
 » ca fugiētibus, in foro & plateis ciuitatis, herbe
 » & fructices enascerētur. tuncq; uisibiliter mul-
 » tis apparuit, quod malus & bonus angelus, qui
 » uidebat uenabulū manu fere, quoties uenabulo
 » illo ostiū cuiusq; domus percussisset, tot de ea
 » domo die sequēti interirēt. Quod quidē, ut de-
 » cet christianū hominē, credo: quāuis caro ditet
 » hanc uicio prauorū hominū, eā disseminatiū,
 » propagatā fuisse, priorem uero uicio aeris.

F I N I S.

ERRATA.

Fol.3. tergo lin. 13. reponē, omnium pestilentiarum]
fol.8. lin. 22. reponē, sic uinum.] 11. tergo. 8. aeri per]
15. tergo. 22. paucis uerbis] ibidem, per pauca] 16. ter. 3.
unientibus.] & lin. 29. syrupos, & iulep, uel.

uarum]
am per]
a. m. p.]

